

Faraja Maandiko - Comfort

2 Wakorintho 1:2-4 Tunawatakieni neema na amani kutoka kwa Mungu Baba yetu na Bwana Yesu Kristo. 3 Atukuzwe Mungu na Baba wa Bwana wetu Yesu Kristo, Baba mwenye huruma na Mungu mwenye kuleta faraja yote. 4 Yeye hutufariji sisi katika taabu zetu zote, ili nasi tupate kuwafariji wengine katika kila taabu kwa faraja hiyohiyo tunayopokea kutoka kwa Mungu.

Mithali 15:13 Moyo wa furaha huchangamsha uso; Bali kwa huzuni ya moyo roho hupondeka.

1 Wafalme 8:66 Hata siku ya nane akaagana na watu, nao wakambarikia mfalme, wakaenda hemani kwao, wakifurahi na kuchangamka moyoni kwa wema wote Bwana aliomfanyia Daudi mtumishi wake, na Israeli watu wake.

1 Mambo ya Nyakati 16:10 Jisifuni kwa jina lake takatifu; Na ufurahi moyo wao wamtafutao Bwana.

Mithali 12:25 Uzito katika moyo wa mtu huuinamisha; Bali neno jema huufurahisha.

Mithali 13:12 Kilichotarajiwa kikikawia kuja, moyo huugua. Bali haja ya mtu ikipatikana, ni mti wa uzima.

Isaya 30:26 Na tena nuru ya mwezi itakuwa kama nuru ya jua, na nuru ya jua itaongezeka mara saba, kama nuru ya siku saba, katika siku ile Bwana atakapofunga mapigo ya watu wake, na kuliponya pigo la jeraha yao.

Hosea 13:8 nitakutana nao kama dubu aliyenyang'anywa watoto wake; nami nitararu nyama ya mioyo yao; na huko nitawala kama simba; huyo mnyama mkali atawararu.

1 Samweli 1:8 Elkana mumewe akamwambia, Hana, unalilia nini? Kwani huli chakula? Kwa nini moyo wako una huzuni? Je! Mimi si bora kwako kuliko watoto kumi?

1 Samweli 1:10 Naye huyo mwanamke alikuwa na uchungu rohoni mwake, akamwomba Bwana akalia sana.

Zaburi 25:16,17 Uniangalie na kunifadhili, Maana mimi ni mkiwa na mteswa. 17 Katika shida za moyo wangu unifanyie nafasi, Na kunitoa katika dhiki zangu.

Zaburi 34:18 Bwana yu karibu nao waliovunjika moyo, Na waliopondeka roho huwaokoa.

Zaburi 38:8 Nimedhoofika na kuchubuka sana, Nimeugua kwa fadhaa ya moyo wangu.

Zaburi 55:4 Moyo wangu unaumia ndani yangu, Na hofu za mauti zimeniangukia.

Zaburi 61:2,3 Toka mwisho wa nchi nitakulilia nikizimia moyo, Unionongoze

Juu ya mwamba nisioweza kuupanda. 3 Kwa maana ulikuwa kimbilio langu, Ngome yenyeye nguvu adui asinipate.

Zaburi 62:8 Enyi watu, mtumainini sikuzote, Ifunueni miyo yenu mbele zake; Mungu ndiye kimbilio letu.

Zaburi 73:26 Mwili wangu na moyo wangu hupunguka, Bali Mungu ni mwamba wa moyo wangu Na sehemu yangu milele.

Zaburi 77:2,3 Siku ya taabu yangu nalimtafuta Bwana; Mkono wangu ulinyoshwa usiku, haukulegea; Nafsi yangu ilikataa kufarijika. 3 Nilipotaka kumkumbuka Mungu nalifadhaika; Nilipotaka kutafakari roho yangu ilizimia.

Zaburi 86:11 Ee Bwana, unifundishe njia yako; Nitakwenda katika kweli yako; Moyo wangu na ufurahi kulicha jina lako;

Zaburi 109:22 Kwa maana mimi ni mnyonge na mhitaji, Na moyo wangu umejeruhi ndani yangu.

Zaburi 112:7,8 Hataogopa habari mbaya; Moyo wake u imara ukimtumaini Bwana. 8 Moyo wake umethibitika hataogopa, Hata awaone watesi wake wameshindwa.

Zaburi 143:4 Na roho yangu imezimia ndani yangu, Moyo wangu ndani yangu umesituka.

Zaburi 147:3 Huwaponya waliopondeka moyo, Na kuziganga jeraha zao.

Mithali 14:30 Moyo ulio mzima ni uhai wa mwili; Bali husuda ni ubovu wa mifupa.

Mhubiri 1:13 Nikatia moyo wangu ili kuyatafuta yote yanayotendeka chini ya mbingu, na kuyavumbua kwa hekima; ni taabu kubwa ambayo Mungu amewapa wanadamu, ili kutaabika ndani yake.

Mhubiri 2:10 Wala sikuyanyima macho yangu cho chote yalichokitamani; wala sikuuzuia moyo wangu katika furaha yo yote; maana moyo wangu ulifurahi kwa sababu ya kazi yangu yote, na hii ilikuwa sehemu yangu katika kazi yangu yote.

Mhubiri 2:22,23 Kwa maana mtu hupata nini kwa kazi yake yote, na kwa juhud ya moyo wake alivyojitalidi chini ya jua? 23 Kwa kuwa siku zake zote ni masikitiko, na kazi yake ni huzuni; naam, hata usiku moyoni mwake hamna raha. Hayo nayo ni ubatili.

Mhubiri 11:10 Kwa hiyo ondoa majonzi moyoni mwako, nawe uuondoe ubaya mwilini mwako; kwa maana ujana ni ubatili, na utu uzima pia.

Isaya 30:29 Mtakuwa na wimbo kama vile wakati wa usiku, ishikwapo sikukuu takatifu, mtakuwa na furaha ya moyo kama vile mtu aendapo na filimbi katika mlima wa Bwana, aliye Mwamba wa Israeli.

Isaya 57:15 Maana ye ye aliye juu, aliyetukuka, akaaye milele; ambaye jina lake ni Mtakatifu; asema hivi; Nakaa mimi mahali palipoinuka, palipo patakatifu; tena pamoja na ye ye aliye na roho iliyotubu na kunyenyekoa, ili kuzifufua roho za wanyenyekevu, na kuifufua miyo yao waliotubu.

Isaya 65:14 tazama, watumishi wangu wataimba kwa furaha ya moyo, bali ninyi mtalia kwa huzuni ya moyo; mtapiga kelele kwa sababu ya uchungu wa roho zenu.

Isaya 66:13,14 Mfano wa mtu ambaye mama yake amfariji, ndivyo nitakavyowafariji ninyi; nanyi mtafarijiwa katika Yerusalem. 14 Nanyi mtaona, na miyo yenu itafurahi, na mifupa yenu itasitawi kama majani mabichi; na mkono wa Bwana utajulikana, uwaelekeao watumishi wake, naye atawaonea adui zake ghadhabu.

Yeremia 15:16 Maneno yako yalioneckana, nami nikayala; na maneno yako yalikuwa ni furaha kwangu, na shangwe ya moyo wangu; maana nimeitwa kwa jina lako, Ee Bwana, Mungu wa majeshi.

Yeremia 24:7 Nami nitawapa moyo, wanijue ya kuwa mimi ni Bwana; nao watakuwa watu wangu, nami nitakuwa Mungu wao; kwa maana watanirudia kwa moyo wao wote.

Yohana 14:1 Yesu aliwaambia, "Msifadhaike miyoni mwenu. Mwaminini Mungu, niaminini na mimi pia.

Yohana 14:27 "Nawaachieni amani; nawapeni amani yangu. Siwapi ninyi kama vile ulimwengu ufanyavyo. Msiwe na wasiwas, wala msifadhaike.

Yohana 16:6 Kwa kuwa nimewaambieni mambo hayo mmejaa huzuni miyoni mwenu.

Yohana 16:22 Ninyi pia mna huzuni sasa; lakini nitawajieni tena, nanyi mtajaa furaha miyoni mwenu, na furaha hiyo hakuna mtu atakayeiondoa kwenu.

Matendo Ya Mitume 2:46 Waliendelea kukutana pamoja kila siku Hekaluni. Lakini wakati wa kumega mkate, walikutana katika nyumba zao na wakakishiriki chakula hicho kwa furaha na moyo mkunjufu.

Warumi 9:2 Nataka kusema hivi: nina huzuni kubwa na maumivu yasiyopimika moyoni mwangu

2 Wakorintho 2:4 Nilipowaandikia hapo awali katika hali ya huzuni na sikitiko moyoni na kwa machozi mengi, haikuwa kwa ajili ya kuwahuzunisha ninyi, bali kwa ajili ya kuwaonyesheni kwamba nawapenda mno.

Waefeso 5:19 Zungumzeni kwa maneno ya Zaburi, nyimbo na tenzi za kiroho; mwimbieni Bwana nyimbo na zaburi kwa shukrani miyoni mwenu.